



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ  
ՈՍՏԻԿԱՆՈՒԹՅԱՆ ՊԵՏ - ՆԵՐՔԻՆ ԳՈՐԾԵՐԻ ՆԱԽԱՐԱՐԻ ՏԵՂԱԿԱԼ**

**Հ Ր Ա Մ Ա Ն**



Թիվ 4-ձ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌՆԵՐԻ, ԳՈՐԾԱՌՈՒՅԹՆԵՐԻ ԵՎ ԴՐԱՆՔ ԱՊԱՀՈՎՈՂ ԿԱՌՈՒՑՎԱԾՔԱՅԻՆ ՍՏՈՐԱԲԱԺԱՆՈՒՄՆԵՐԻ, ՈՍՏԻԿԱՆՈՒԹՅԱՆ ԵՆԹԱԿԱՅՈՒԹՅԱՆԸ ՀԱՆՁՆՎԱԾ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ ՀԱՄԱԿԱՐԳՈՒՄԸ ՀՀ ՆԳՆ ՈՍՏԻԿԱՆՈՒԹՅԱՆ ՊԵՏԻ ԵՎ ՆՐԱ ՏԵՂԱԿԱԼՆԵՐԻ ՄԻՋԵՎ ԲԱՇԽԵԼՈՒ ԵՎ ՀՀ ՈՍՏԻԿԱՆՈՒԹՅԱՆ ՊԵՏԻ ԺԱՄԱՆԱԿԱՎՈՐ ՊԱՇՏՈՆԱԿԱՏԱՐԻ 01.02.2020թ. ԹԻՎ 5-Լ ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

ՀՀ ՆԳՆ ոստիկանության գործունեության բնագավառների, գործառույթների և դրանք ապահովող կառուցվածքային ստորաբաժանումների, ոստիկանության ենթակայությանը հանձնված կազմակերպությունների գործունեության համակարգումը կազմակերպելու և անմիջական հսկողություն իրականացնելու նպատակով, հիմք ընդունելով «ՀՀ ներքին գործերի նախարարության ոստիկանության կանոնադրությունը հաստատելու մասին» ՀՀ ներքին գործերի նախարարի 14.03.2023թ. թիվ 4-Լ հրամանի 19-րդ կետի 5-րդ ենթակետի պահանջները.


**Հ Ր Ա Մ Ա Յ ՈՒ Մ Ե Մ՝**

1. Հաստատել ՀՀ ՆԳՆ ոստիկանության գործունեության բնագավառների, գործառույթների և դրանք ապահովող կառուցվածքային ստորաբաժանումների, ոստիկանության ենթակայությանը հանձնված կազմակերպությունների գործունեության համակարգման ցանկը՝ համաձայն հավելվածի:
2. Ուժը կորցրած ճանաչել ՀՀ ոստիկանության պետի ժամանակավոր պաշտոնակատարի 01.02.2020թ. «Հայաստանի Հանրապետության ոստիկանության գործունեության բնագավառների, գործառույթների և դրանք ապահովող կառուցվածքային

ստորաբաժանումների, ոստիկանության ենթակայությանը հանձնված կազմակերպությունների գործունեության համակարգումը ՀՀ ոստիկանության պետի ժամանակավոր պաշտոնակատարի և նրա տեղակալների միջև բաշխելու, ինչպես նաև ՀՀ ոստիկանության պետի ժամանակավոր պաշտոնակատարի 03.12.2019թ. թիվ 25-լ և թիվ 26-լ հրամաններն ուժը կորցրած ճանաչելու մասին» թիվ 5-Լ հրամանը:

3. Հրամանը ծանոթացնել ՀՀ ՆԳՆ ոստիկանության բարձրագույն, գլխավոր, ավագ և միջին խմբերի պաշտոններ զբաղեցնող ծառայողներին:

**ՈՍՏԻԿԱՆՈՒԹՅԱՆ ԳԵՆԵՐԱԼ-ՄԱՅՈՐ**



**Ա.ՆՈՎԱՆՆԻՍՅԱՆ**

«22» մարտի 2023թ.  
քաղ. Երևան



## ՑԱՆԿ

### ՀՀ ՆԳՆ ոստիկանության գործունեության բնագավառների, գործառույթների և դրանք ապահովող կառուցվածքային ստորաբաժանումների, ՀՀ ՆԳՆ ոստիկանության ենթակայությանը հանձնված կազմակերպությունների գործունեության համակարգման

#### 1. ՀՀ ոստիկանության պետ-ներքին գործերի նախարարի տեղակալ, ոստիկանության գեներալ-մայոր Ա.Հովհաննիսյան.

**Բնագավառներ.** ծառայողական կարգապահության և օպերատիվ-ծառայողական գործունեության նկատմամբ ընդհանուր վերահսկողություն, հանձնարարականների կատարման նկատմամբ հսկողություն, ոստիկանության ստորաբաժանումների գործունեության օրինականության նկատմամբ հսկողություն, ոստիկանության օպերատիվ-հետախուզական ստորաբաժանումների գործունեության աջակցության ապահովում, կադրային քաղաքականության մշակում ու վարում, հասարակայնության հետ կապեր և ՋԼՄ-ների հետ համագործակցություն, գործավարության կազմակերպում, գաղտնիության ռեժիմի ապահովում, հերթապահ մասերի գործունեության կազմակերպում, արարողակարգի ապահովում, կազմակերպական գործունեություն, միջազգային համագործակցություն (բացառությամբ՝ Ինտերպոլի գծով և իրավական փոխօգնության հարցերով միջազգային համագործակցության), իրավաստեղծ գործունեություն, վարչաիրավական գործունեություն, դատական ներկայացուցչության ապահովում, կրթական գործունեություն, մարտական և ֆիզիկական պատրաստականություն, ֆինանսական գործունեություն, հաշվապահական հաշվառում, ոստիկանության ծառայողների սոցիալական ապահովություն, գնումների կազմակերպում, գերատեսչական գույքի կառավարում, բժշկական օգնության կազմակերպում, կապ և տեղեկատվական տեխնոլոգիաներ, փորձաքննությունների և գիտատեխնիկական հետազոտությունների կատարում, ոստիկանությունում ստացված հաղորդումներին և ահազանգերին պատշաճ արձագանքում, գործողությունների ու միջոցառումների արդյունավետ կառավարման կազմակերպում, պարեկային ծառայության կազմակերպում:

**Ստորաբաժանումներ.** ՀՀ ՆԳՆ ոստիկանության շտաբ, ներքին անվտանգության վարչություն, օպերատիվ-փնտրողական վարչություն, կադրային քաղաքականության վարչություն, գործավարության և գաղտնիության ռեժիմի ապահովման վարչություն, հասարակայնության հետ կապի և լրատվության վարչություն, օպերատիվ կառավարման կենտրոն, իրավաբանական վարչություն, ոստիկանության կրթահամալիր, մարտական և ֆիզիկական պատրաստականության բաժին, ՀՀ ոստիկանության ֆինանսաբյուջետային վարչություն, տնտեսական վարչություն, բժշկական վարչություն, կապի և տեղեկատվական

տեխնոլոգիաների վարչություն, փորձաքրեագիտական վարչություն, պարեկային ծառայություն:

**Գործառույթներ.** ՀՀ ՆԳՆ ոստիկանության պետի համակարգման տակ գտնվող կառուցվածքային ստորաբաժանումների կանոնադրությամբ նախատեսված գործառույթներ:

**2. ՀՀ ՆԳՆ ոստիկանության զորքերի հրամանատար, ոստիկանության պետի տեղակալ, գնդապետ Հ.Բաբայան.**

**Բնագավառ.** ՀՀ ՆԳՆ ոստիկանության զորքերի գործունեության կազմակերպում և ղեկավարում:

**Ստորաբաժանում.** ՀՀ ՆԳՆ ոստիկանության զորքեր:

**Գործառույթներ.** ՀՀ ՆԳՆ ոստիկանության զորքերի հրամանատար, ոստիկանության պետի տեղակալի համակարգման տակ գտնվող կառուցվածքային ստորաբաժանման կանոնադրությամբ նախատեսված գործառույթներ:

**3. ՀՀ ՆԳՆ ոստիկանության պետի տեղակալ, ոստիկանության գնդապետ Վ.Վարդանյան.**

**Բնագավառներ.** ոստիկանության օպերատիվ-հետախուզական գործունեություն, ինտերպոլի գծով և իրավական փոխօգնության հարցերով միջազգային համագործակցություն, հանցավորության պետական վիճակագրության և տեղեկատվական հաշվառումների վարում:

**Ստորաբաժանումներ.** ՀՀ ՆԳՆ ոստիկանության քրեական ոստիկանության գլխավոր վարչություն, ՀՀ-ում ինտերպոլի Ազգային կենտրոնական բյուրո, ինֆորմացիոն կենտրոն:

**Գործառույթներ.** ՀՀ ոստիկանության պետի տեղակալի համակարգման տակ գտնվող կառուցվածքային ստորաբաժանումների կանոնադրությամբ նախատեսված գործառույթներ:

**4. ՀՀ ոստիկանության պետի տեղակալ, ոստիկանության գնդապետ Կ.Հակոբյան.**

**Բնագավառներ.** հասարակական կարգի պահպանություն և հասարակական անվտանգության ապահովում, համայնքային ոստիկանության գործունեության համակարգում, օբյեկտների պետական պահպանություն, զորահավաքային աշխատանքներ և քաղաքացիական պաշտպանություն, լիցենզավորման և թույլտվության աշխատանքների կազմակերպում, ճանապարհային երթևեկության անվտանգության ապահովում, տրանսպորտային միջոցների պետական գրանցման և պետական հաշվառման իրականացում, վարորդական վկայականների տրամադրում, ձերբակալված ու կալանավորված անձանց պահման և ուղեկցման կազմակերպում, հաշվառված անչափահասների մշտադիտարկում և ընտանիքում բռնության կանխարգելում:

**Ստորաբաժանումներ.** ՀՀ ՆԳՆ ոստիկանության հասարակական անվտանգության ապահովման գլխավոր վարչություն, պետական պահպանության գլխավոր վարչություն, «Ճանապարհային ոստիկանություն» ծառայություն:

**Գործառույթներ.** ՀՀ ոստիկանության պետի տեղակալի համակարգման տակ գտնվող կառուցվածքային ստորաբաժանումների կանոնադրությամբ նախատեսված գործառույթներ: